

封物、且不與返抄、或放白紙日收、或與丹封借收、其物納畢之日、綱領更至封家、勘先收文、取移返抄、非唯一物之上、再取返抄、卽復請移之日、奸僞更起、見進之色、還作未進、十分之數、更爲一分、此則且不改印返抄之大弊也、格制間施、未免此煩、望請重仰諸封家、所放日收、必令捺印、有家司者、縱雖官員不備、而有一官署、以印書爲證、無家司者、若別當若事業、署其收文、捺踏印亦同、卽仰所司、停求移文、專以日收、且勘抄帳、然則吏民之煩、從此易絕、返抄之事、緣何難成、謹請官裁者、右大臣宣依請、其諸司素改移返抄者、依件改行者、事須隨所納物數、且放返抄、又當年之未進、來年不究納、明年二月一日、作未進結解、移於主計寮、其移致時、使若雜掌、依實辨申、如過期不移者、縱雖有未進、而不在准未進沒公廩之限、自餘諸國、亦復准此、

齊衡三年六月五日

〔享祿本類聚三代格<sup>十七</sup>〕太政官符

應令封家用印事

右撰格所起請、印之爲用、實在取信、公私據此、口決嫌疑、而案公式令、唯有諸司之印、未見臣家口口爰有勢諸家、皆私鑄作進官文外、皆僭印之、慣習成常、無復疑慮、夫事不獲已、人所必行、於公口口理宜容許、加之太政官去齊衡三年六月五日、封家調庸雜物、可放捺印日收之狀、下知已訖、然而口口用之制未詳、至今猶放白紙家司雜掌、爭論口絕、伏望令諸封家、皆得用印、但一寸五分、以爲其限、外於公家、備於私用者、中納言左近衛大將從三位藤原朝臣基經宣奉勅依請、

貞觀十年六月廿八日

〔本朝世紀〕正曆四年八月廿三日戊寅、午後大納言藤原朝光卿、同伊周卿、中納言藤原顯光卿、源保光卿、參議藤原道綱卿、同安親卿、同時光卿、同懷忠卿、著左仗座、被定諸封家納官、封代升別十文、

封戶租稅額

〔日本書紀<sup>二十九</sup>〕武<sup>九</sup>朱鳥元年五月癸丑、勅之大官大寺封七百戶、乃納稅三十萬束、